

-Venres:

Quenda 1: de 0.00 a 6.00 horas.

Quenda 2: de 6.00 a 12.00 horas.

Quenda 3: de 12.00 a 18.00 horas.

Quenda 4: de 18.00 a 24.00 horas.

* Seccións de envasado, adegas (salvo arrefriadores) carga e descarga, laboratorio, garaxe e servizos de mantemento:

A) O persoal destas seccións no período comprendido do 15 de maio ó venres da última semana iniciada no mes de agosto de cada ano, ambos inclusive, traballará unha xornada ordinaria semanal máxima de corenta horas de traballo efectivo, de acordo cos seguintes horarios:

	Quenda 1		Quenda 2		Quenda 3	
Luns	0.00 a	8.00	6.00 a	14.00	14.00 a	22.00
Martes a venres	22.00 a	6.00	6.00 a	14.00	14.00 a	22.00

En compensación, o persoal destas seccións, no período comprendido entre o primeiro luns de setembro ó 14 de maio de cada ano, ambos inclusive, traballará unha xornada ordinaria semanal máxima de trinta e sete horas trinta minutos de traballo efectivo, de acordo cos seguintes horarios:

	Quenda 1		Quenda 2		Quenda 3	
Luns	0.00 a	7.30	7.00 a	14.30	14.30 a	22.00
Martes a venres	23.30 a	7.00	7.00 a	14.30	14.30 a	22.00

A xornada ordinaria semanal máxima de corenta horas prevista desde o 15 de maio ó venres da última semana iniciada no mes de agosto de cada ano, poderase variar a xuízo da empresa, segundo necesidades de produción, respectando en todo caso os días de traballo de cada un dos dous períodos.

B) Se por imperativos da produción ou períodos extraordinarios, a xuízo da dirección se tivese que traballar algún sábado non festivo do ano, a empresa queda facultada para dispor do persoal destas seccións que estime necesario para da-lo servizo adecuado, logo de comunicación ó comité de empresa.

Para tales efectos establécense dous tipos de xornada para os ditos sábados, á escolla da empresa, en cada caso:

a) Xornada de 4 horas.

b) Xornada de 8 horas.

A xornada de 4 horas encontrarase comprendida dentro do período das 6.00 ás 14.00 horas, a conveniencia da empresa, e cada traballador, sen distinción de categoría nin antigüidade, percibirá un complemento cun importe por xornada traballada que se fixa en 44,96 euros.

A xornada de 8 horas terá lugar necesariamente desde as 6.00 ás 14.00 horas e cada traballador, sen distinción de categoría nin antigüidade, percibirá un complemento cun importe de 77,08 euros.

Nos importes anteriores non se encontra incluído o complemento de asistencia, que se pagará na súa totalidade por cada sábado traballado, sexa cal for a xornada realizada.

C) As cantidades antes citadas como complemento de xornada en sábados non festivos veranse incrementadas na mesma porcentaxe que o que se pacte para o salario base en cada convenio colectivo.

* Depósitos e delegacións comerciais:

Nos depósitos e delegacións comerciais, a xornada e horario estableceranse en función das necesidades particulares de servizo de cada centro, logo de acordo cos representantes dos traballadores.

Na falta de acordo, para este persoal establécense unha xornada semanal de luns a venres no período do 1 de setembro ó 14 de xuño de cada ano, e unha xornada de luns a sábado para o período comprendido entre o 15 de xuño e o 31 de agosto, ambos inclusive, de acordo cos seguintes horarios:

	1 de setembro a 14 de xuño	15 de xuño a 31 de agosto
Persoal de oficinas (luns a venres)	Mañá: de 8.30 a 13.00 Tarde: de 15.30 a 18.30	Mañá: de 8.30 a 13.00 almacés. Tarde: de 15.30 a 18.30
Persoal de distribución e reparto, comercial e de mantemento (luns a venres)	Mañá: de 8.30 a (1) Tarde: de (1) a (1)	Mañá: de 8.00 a (1) Tarde: De (1) a (1)
Todo o persoal (sábados)	Mañá: de 8.00 a 13.00	

(1) O persoal de distribución e repartición, inspectores, promotores e prevendedores comerciais, así como o persoal técnico do servizo posventa, quedan excluídos do réxime de xornada normal en canto subistan as comisións e compensacións por repartición, primas de venda e incentivos para compensa-las posibles prolongacións de xornada.

2. As quendas de traballo ó longo do ano poderán ser nun mesmo día e sección dun, dous ou tres (en bodegas catro), de acordo coa produción e a índole do traballo.

3. Os días 24 e 31 de decembro de cada ano, tódalas quendas se farán pola mañá. Estes días só traballará a quenda de mañá, librando a quenda de tarde, salvo que por necesidades de servizo ou polo desenvolvemento de cursos programados en materia de seguranza e saúde laboral, sexa necesaria a súa asistencia. Os traballadores da quenda de tarde que tivesen por necesidades de servizo que asistir na quenda de mañá, percibirán a contía correspondente ós complementos de sábado e de asistencia.

4. Se por disposición legal obrigatoria for necesario reduci-la xornada laboral establecida neste convenio colectivo, o presente artigo será obxecto de revisión, se procede, para adaptalo ás novas normas nesta materia.